

An Semirit Kewe Pwuung ren Pekin Juvenile Delinquency/Foforangaw:

Ran anim. Non chok ekis mwochomochan fansoun kopwe uta mwen Court ren ew arongorong ika hearing fanitan ekkewe foforangaw mi fis fan itomw.

Mei wor remw ekkei pwuung mei tetenitiw non ei hearing, pwan meinisin hearings mwach kan. Mei wor omw pwuung omw kopwe sinei kunokun me fansoun meinisin ekkei hearing ika mwiich fanitan ekkei atatur.

Mei wor omw pwuung omw kopwe sinei porausan ekkei atatur ika foforangaw mi fis fanitomw me pwan omw kopwe angei echo kapin ew me ew ekkei taropwen reports. Ka pwan tongeni eisinir ar repwe aneani ngonuk porausan ewe taropwe, ika ke mochen. En mi pwan tongeni ureni emon epwe awewei ngonuk ika pun kosapw weweiti.

Mei wor omw pwuung omw kopwe admit/tipeew ngeni ekkewe atatur mi fis fanitomw, anini faniter, ika fanefaneno kosapw fen poraus. Ika kosapw poraus, ewe judicial referee ika soukapwung epwe uwanong ew denial fanitomw iwe ewe keis epwe no ngeni trial.

Esapw ew minen echimw omw kopwe poraus fanitan ekkewe atatur fanitomw.

Mei wor omw pwuung ren omw fansoun ngeni noum we lawyer me mwan kopwe poraus ika ponuwani ekkoch kapas eis non court. Mei wor omw pwuung seni noumw lawyer omw kopwe poraus ren ew me ew kinikinin ewe keis.

Ika ese wor noumw lawyer ika kose pusin tongeni meeni emon, epwe wor emon lawyer epwe kefinita an epwe tupwunuk. Mei wor omw pwuung omw kopwe finata an esapw wor lawyer ika pun ierumw a engon me ruanu feita. Ewe soukapwung epwe mwut ngonuk omw kopwe fangetani ei pwuung ika pun ewe finata esapw an emon pun pusin omw nge en mei weweiti met epwe fis ika kopwe sopwosopwono nge esapw wor noum lawyer.

Ika pun en emon iin/saam, chon tumwun, ika chon nemenem ngeni ewe semirit mi fori ekkei mettoch, epwe wor omw pwuung an epwe wor noum lawyer an epwe tupwunuk. Ika kose tongeni meeni emon, mei wor omw pwuung ren emon lawyer seni ewe court nge ren chok ru tichikin kinikinin ei keis.

Ekkei ru kinikin ren detention hearings me disposition hearings. Me ru ekkei hearings mi pachenong omw fansoun ngeni noumw we soukapwung ren met mefiom ren met ewe court epwe fori ngeni noum we semirit.

Ewe detention hearing ew arongorong omw kopwe finata ika noumw we semirit epwe tongeni niwiniti nenian nupwen mei chok chiwen fis ewe keis. Ei mei chok wewe ngeni ew bail hearing

ren emon menumuk mei charge ren ew crime ika tipis. Epwe meni wor chommong seni ew detention hearing nupwen ewe keis mei chiwen sopwosopwono.

Ewe disposition hearing ew hearing ikewe ewe soukapwung ika judicial referee epwe finata ekkewe niwinin.

Ewe disposition hearing ew hearing ren ewe soukapwung ika judicial referee epwe finata met ewe semirit epwe angei niwinin an foforongaw ika pun ra kuna nge ekkewe atatur mei pwung. Ren ei mei wewe ngeni ew sentencing hearing ngeni emon menumuk an found guilty ika convicted ren ew crime. Ika ke mochen emon lawyer court epwe pusin fini ngonuk iwe kopwe amasowa ewe taropwen application ka eniwini ngeni court mwithir chok.

Mei wor omw pwuung omw kopwe kapas eis ngeni io mei atipisuk ika testify fanitomw. Mei pwan wor omw pwuung omw kopwe subpoena ekkoch ren och popun fanitan ekkoch poraus fanitomw.

En mei “presumed innocent” (wewen, esanmwo fat pun en mi wesewesen guilty). A pusin nonom ren ewe state an epwe fokkun profuni ika affata omw guilt/tipis “beyond reasonable doubt”, ese pwan wor met me nukun. Mei pwan wor omw pwuung omw kopwe deny/anini ngeni ekkewe atatur ika charges mi fis fanitomw.

Mei wor omw pwuung omw kopwe deny/anini ngeni ekkewe atatur ika charges mei fis fanitomw. Ika ka fen deny/anini ngeni ekkewe atatur, mei wor omw pwuung omw kopwe sopwosopwono iwe ewe court epwe awora ew kapwung ika trial ren omw we keis.

Mei wor omw pwuung omw kopwe admit/tipeew ngeni ekkewe atatur fanitomw, iwe kopwe pwan sinei pun ika ke admit ngeni ekkei tipis, esapw wor trial ren ekkewe atatur.

Seni omw tipeew ngeni, ka fangeta ewe pwuung ngeni trial pwan ewe pwuung omw kopwe kapas eis ika uu ngeni iokewe re atipisuk. Ka pwan fangeta omw pwuung omw kopwe fanefaneno iwe kopwe chok ponuweni kapas eis ewe court ika lawyer repwe eisinuk fanitan omw kewe atatur.

Me mwan kopwe admit/tipeew ngeni met re atipisuk won, mei wor omw pwuung omw kopwe sinei met ekkewe pwupwungaw fanitan mwokutukutumw, pachenong ekkoch treatment, education ika classes/mwichen kaeo, ika ekkoch mwokutukut ewe court epwe order nge epwe ifa taman an epwe fis.

Ika ke admit/tipeew ngeni ika sinei pun en mi tipis, ewe court epwe emwenuk omw kopwe poraus ngeni ewe court officer an epwe tongeni fori ew pre-disposition assessment ika interview epwe fis akomw. Ewe pre-disposition assessment repwe nounou ne sinei me ru ren pochokunomw me omw mochen. Ei mi anisi court an epwe sinei fichi ponuwan omw we keis.

Ewe court officer epwe angei poraus won mwokutukutumw me nonomwum me ekkoch omw needs. Repwe pwan fori ekkoch screenings/angangen kapas eis mi tufich ngonuk. Kopwe meni nomw won probation nupwen epwe fis ei.

Nupwen nemwuchunon ewe angangen court faniten omw ei keis, court epwene pwan akkota an epwe fat pun en mi angei aninis me esine ngonuk met kopwe fokkun fori ren an epwe fat pun ewe community mi tumwun me ewe osukosuk mi fis ngeni ewe victim ika ewe community a wes. Nge mesemwan omw kopwe admit ngeni ekkei charges/atutur, kopwe chechemeni met epwe tongeni fis ngonuk me murin.

Ka tongeni nomw fan nemenemen iinomw/semomw, non imwom, nge kopwe nomw won probation supervision non ukukun engon me ru maram ren ekkoch annuk/mwokutukut mi for seni court. Ekkewe annukun probation repwe anongonong won pusin feiengawomw me omw needs.

Probation mei tongeni tameno me non court an epwe amwuchano ekkewe pekin aninis ren an court order. Ewe juvenile director me tongeni ngonuk ekkoch consequences/pwupwungaw ren omw kosapw fiti ekkewe pwupwungaw mei katou ngonuk. Ika ei violation/tano mei kon watte/tekia en mei tongeni pwan uta sefan me mwan ewe judicial referee ika soukapwung.

En mei pwan tongeni meeni restitution. Restitution ew pekin moni en mi required omw kopwe meeni ngeni ewe victim an epwe coverini ewe feiengaw mi fis ngeni. Ewe soukapwung ika judicial referee epwe pwan require omw kopwe fori angangan community service epwe ren pwupwungaw ika me nukun omw meeni sefani ewe restitutuion.

Probaton ese tongeni epwe tameno epwe chok ioni monian met kopwe meensefani, nge ika restitution ese kamotiw unusan, ewe victim a tongeni eisini court an epwe orderini iinomw/semomw ar repwe meeni fanitomw. Civil judgement ika mwichen kapwung mi tongeni order me fisatiw nupwen restitution ese kamotiw.

Ewe court a pwan tongeni order omw kopwe fiti ew screening ika angangen kapas eis ren drugs me alcohol/sakau. Pwan, ir mei tongeni orderinuk omw kopwe fiti ewe juvenile drug court program ika mei tufich ngonuk.

En mei tongeni mwokut seni an iinomw/semomw nemenem iwe kopwe nomw fan an State Division ren Juvenile Services custody ika nemenem ngeni pungun nenian. Ika ke nomw non ewe custody ren Division of Juvenile Services, omw placement epwe pachenong ew neni mi tumwun ren juvenile detention ika ewe North Dakota Youth Correction Center non Mandan.

Nockekonong non ew neni (locked facility) epwe ewe watten osukosuk.

Angei an iinomw/semomw custody ika nemenem me nockekonong non ew neni epwe ewe watten osukosuk ngonuk iwe epwe chok toruk ika ewe court ese tongeni kuna och mettoch mei ekis kukun osukosukan an epwe siwini mwokutukutumw.

Mei wor omw pwuung omw kopwe appealini ew memef ren ei court. Ewe judicial referee ika soukapwung epwe eisinuk ika en mei weweiti ekkei pwuung. Ika mei wor omw kapas eis ren omw kei pwuung, poraus ngeni noum we lawyer me mwan ewe hearing ika eisini ewe judicial referee ika soukapwung fansoun omw we hearing.

Mei fokkun namot an court epwe kokoruk iteitan. Iteitan aramas mi pachanong non ei keis ir mei required ar repwe ureni court ika repwe siwini ar address, nampan nour fon ika ekkoch poraus ren ar contact information.

Mwokutukutun Juvenile mi kesip seni public. Omw we keis repwe akko ew me ew.

Nepoputan ewe hearing, ewe judicial referee ika soukapwung epwe eisinuk ika en mei weweiti ekkei pwuung. Ika mei wor omw kapas eis ren, kopwe eisinir.